

IV

Odobrava se unos sredstava (primljeni tekući transferi od općina 732116) u Budžet Kantona Sarajevo za 2021. godinu u iznosu od 4.953 KM koja su JU OŠ "Alija Nametak" doznačena od strane Općine Centar u skladu sa Zaključkom u svrhu finansiranja besplatne nabavke udžbenika učenicima I razreda.

Sredstva će se evidentirati u razdjelu 21, glava 02, potrošačka jedinica 0010 - JU OŠ "Alija Nametak", na ekonomskom kodu:

6134 - Nabavka materijala, funkcija 091 iznos: 4.953 KM

V

Odobrava se unos sredstava (primljeni tekući transferi od općina 732116) u Budžet Kantona Sarajevo za 2021. godinu u iznosu od 38.550 KM koja su JU "Prva osnovna škola" doznačena od strane Općine Ilidža u skladu sa Sporazumom u svrhu finansiranja rekonstrukcije i sanacije prostorija produženog boravka u školi.

Sredstva će se evidentirati u razdjelu 21, glava 02, potrošačka jedinica 0019 - JU "Prva osnovna škola", na ekonomskom kodu:

8216 - Rekonstrukcija i investiciono održavanje, funkcija 091 iznos: 38.550 KM

VI

Odobrava se unos sredstava (primljeni tekući transferi od općina 732116) u Budžet Kantona Sarajevo za 2021. godinu u iznosu od 5.250 KM koja su JU "Biblioteka Sarajevo" doznačena od strane Općine Ilidža u skladu sa Odlukom na ime 350 članarina za stanovnike Općine Ilidža.

Sredstva će se evidentirati u razdjelu 22, glava 02, potrošačka jedinica 0011 - JU "Biblioteka Sarajevo", na ekonomskom kodu:

8213 - Nabavka opreme, funkcija 082 iznos: 5.250 KM

VII

Ministarstvo finansija će evidentirati i proknjižiti uplaćena sredstva i izvršiti plaćanje po nalogu resornih ministarstava, te pratiti utrošak istih.

VIII

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-40777-13/21

11. novembra 2021. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 25. Zakona o mladima Federacije Bosne i Hercegovine ("Službene novine Federacije BiH", broj 36/10), Vlada Kantona Sarajevo, na 133. vanrednoj sjednici održanoj 12.11.2021. godine, donijela je

ODLUKA O SUBVENCIONIRANJU RJEŠAVANJA STAMBENOG PITANJA MLADIH

Član 1.

(Predmet Odluke)

Ovom odlukom propisuju se sredstva, uslovi, postupak podnošenja zahtjeva, utvrđivanje liste kandidata za subvencioniranje rješavanja stambenog pitanja mladih i postupak dodjele sredstava.

Član 2.

(Sredstva za subvencioniranje rješavanja stambenog pitanja mladih)

- (1) Sredstva za subvencioniranje rješavanja stambenog pitanja mladih planirana su u Budžetu Kantona Sarajevo za 2021. godinu, u okviru Ministarstva komunalne privrede, infrastrukture, prostornog uređenja, gradnja i zaštite okoliša Kantona Sarajevo (u daljem tekstu: Ministarstvo), na poziciji YAU 028 u iznosu od 1.000.000,00 KM.
- (2) Ministarstvo na ime subvencioniranja rješavanja stambenog pitanja mladih, svim podnosiocima zahtjeva sa konačne liste kandidata koji ispunjavaju uslove propisane ovom odlukom, isplaćuje novčana sredstva u jednakom iznosu, koji se dobije kada se ukupna sredstva obezbijedena u Budžetu Kantona Sarajevo za ovu namjenu, podijele sa brojem kandidata sa konačne liste kandidata za subvencioniranje rješavanja stambenog pitanja mladih i taj iznos ne može biti veći od 10.000,00 KM.

Član 3.

(Značenje pojedinih pojmova)

Pojmovi upotrijebljeni u ovoj odluci imaju sljedeće značenje:

- a) "subvencioniranje" je odobravanje nepovratnih novčanih sredstava na ime rješavanja stambenog pitanja mladih,
- b) "rješavanje stambenog pitanja" podrazumijeva kupovinu stana ili kuće u novogradnji ili korištenih ili izgradnju kuće ili stana,
- c) "lice koje nema riješeno stambeno pitanje" je lice koje samo kao i njegov bračni ili vanbračni partner, nisu vlasnici drugog stana ili porodične kuće u mjestu rođenja na području Bosne i Hercegovine i teritoriji Kantona Sarajevo,
- d) "bračna zajednica" je zakonom uređena zajednica života žene i muškarca, u smislu člana 6. Porodičnog zakona Federacije Bosne i Hercegovine ("Službene novine Federacije BiH", broj 35/05, 41/05 i 31/14),
- e) "vanbračna zajednica" je zajednica života žene i muškarca koji nisu u braku ili vanbračnoj zajednici sa drugim licem, koja traje najmanje tri godine ili kraće ako je u njoj rođeno zajedničko dijete, u smislu člana 3. Porodičnog zakona Federacije Bosne i Hercegovine ("Službene novine Federacije BiH", broj 35/05, 41/05 i 31/14).

Član 4.

(Uslovi za subvencioniranje rješavanja stambenog pitanja mladih)

- (1) Uslove koje podnosilac zahtjeva za subvencioniranje rješavanja stambenog pitanja mladih mora ispuniti su:
 - a) da je starosne dobi od navršanih 18 godina do manje od navršanih 38 godina u momentu podnošenja zahtjeva,
 - b) da je državljanin Bosne i Hercegovine,
 - c) da ima prebivalište na području Kantona Sarajevo u toku posljednje tri godine prije podnošenja zahtjeva,
 - d) da podnosilac zahtjeva i njegov bračni ili vanbračni partner nemaju na drugi način riješeno stambeno pitanje,

- e) da podnosilac zahtjeva i njegov bračni ili vanbračni partner nisu bili vlasnici stana ili kuće koju su otudili pravnim poslom,
- f) da prodavač stana ili kuće nije roditelj, brat ili sestra podnosioca zahtjeva ili roditelj, brat ili sestra bračnog ili vanbračnog partnera podnosioca zahtjeva,
- g) da je zaključio notarski obrađen ugovor o kupoprodaji stana ili kuće u periodu od 03.06.2020. godine zaključno sa danom objavljivanja javnog poziva za subvencioniranje rješavanja stambenog pitanja mladih ili da posjeduje pravosnažno odobrenje za građenje nadležnog organa, izdato na ime podnosioca zahtjeva, u periodu od 03.06.2020. godine zaključno sa danom objavljivanja javnog poziva,
- h) da kupoprodajna cijena stana ili kuće ne prelazi iznos od 150.000,00 KM, prema ugovoru o kupoprodaji stana,
- i) da podnosilac zahtjeva ili njegov bračni ili vanbračni partner nisu ostvarili pravo po projektu Ministarstva za pred investiranje u poticajnu stanogradnju, što Ministarstvo utvrđuje na osnovu službene evidencije.
- (2) Ukoliko su ugovor o kupoprodaji stana ili kuće kao kupci zaključila dva lica, podnosilac zahtjeva za subvencioniranje rješavanja stambenog pitanja mladih, može biti samo jedno od njih, uz obavezu da drugi kupac da izjavu, ovjerenu kod nadležnog organa, da je saglasan da on bude podnosilac zahtjeva.
- Član 5.
- (Dokumentacija uz zahtjev po javnom pozivu)
- (1) Uz zahtjev po javnom pozivu, kao dokaz da ispunjava uslove iz člana 4. ove odluke, podnosilac zahtjeva dostavlja sljedeću dokumentaciju:
- a) izvod iz matične knjige rođenih za podnosioca zahtjeva i bračnog ili vanbračnog partnera,
- b) uvjerenje o državljanstvu za podnosioca zahtjeva,
- c) uvjerenje Ministarstva unutrašnjih poslova Kantona Sarajevo o kretanju za podnosioca zahtjeva, a za podnosioca zahtjeva koji dokazuje dužinu trajanja vanbračne zajednice i uvjerenje o kretanju za vanbračnog partnera,
- d) uvjerenje Općinskog suda u Sarajevu da podnosilac zahtjeva i njegov bračni ili vanbračni partner nisu vlasnici drugog stana ili kuće na području Kantona Sarajevo.
- e) za podnosioca zahtjeva i njegovog bračnog ili vanbračnog partnera, koji su rođeni van područja Kantona Sarajevo, a na području Bosne i Hercegovine, uvjerenje nadležnog suda da nisu vlasnici stana ili kuće u mjestu rođenja, prema izvodu iz matične knjige rođenih,
- f) izjavu podnosioca zahtjeva ovjerenu kod nadležnog organa, da on i njegov bračni ili vanbračni partner nisu bili vlasnici stana ili kuće koju su otudili pravnim poslom,
- g) izjavu podnosioca zahtjeva ovjerenu kod nadležnog organa da prodavač stana ili kuće nije roditelj, brat ili sestra podnosioca zahtjeva ili roditelj, brat ili sestra bračnog ili vanbračnog partnera podnosioca zahtjeva,
- h) notarski ovjeren prepis izvornika ugovora o kupoprodaji stana ili kuće,
- i) za podnosioca zahtjeva koji gradi kuću ili stan ovjerenu fotokopiju pravosnažnog odobrenja za građenje,
- j) notarski obrađenu ispravu da je podnosilac zahtjeva saglasan da neće otuditi stan ili kuću, koji je predmet kupoprodajnog ugovora, odnosno kuću ili stan koji je predmet gradnje, u roku od pet godina od dana uplate sredstava na ime subvencije i da će Ministarstvu do 30. januara svake godine dostaviti Izvod iz zemljišnih knjiga za tu nekretninu kao dokaz, a ukoliko otuđi nekretninu koja je predmet kupoprodajnog ugovora, odnosno predmet odobrenja za građenje, za koju je dobio subvenciju, da će Ministarstvu izvršiti povrat sredstava uplaćenih na ime subvencije umanjen za jednu petinu za svaku godinu u kojoj je nekretninu koristio po uplati sredstava na ime subvencije, najdalje u roku od 30 dana od dana otuđenja nekretnine,
- k) za podnosioca zahtjeva koji je zaključio ugovor o kupoprodaji stana ili kuće sa još jednim licem, izjava tog lica da je saglasan da on bude podnosilac zahtjeva.
- (2) Obrazac zahtjeva i obrazac izjave iz stava (1), tačka f), g) i k), ovog člana podnosilac zahtjeva preuzima sa web stranice Ministarstva.
- (3) Dokumentacija iz stava (1) ovog člana predaje se u originalu ili ovjerenoj fotokopiji, izuzev dokumentacije iz stava (1), tačka h) i j) ovog člana, koja se predaje u originalu.
- (4) Datum izdavanja dokumentacije iz stava (1), tačka b), c), d) i e) ovog člana, ne može biti stariji od tri mjeseca od dana podnošenja zahtjeva.
- Član 6.
- (Postupak podnošenja zahtjeva i utvrđivanja liste kandidata za subvencioniranje rješavanja stambenog pitanja mladih)
- Postupak podnošenja zahtjeva i utvrđivanja liste kandidata za subvencioniranje rješavanja stambenog pitanja mladih se realizuje po sljedećoj proceduri:
- a) Ministarstvo raspisuje javni poziv za subvencioniranje rješavanja stambenog pitanja mladih i objavljuje ga u jednom od dnevnih novina, web stranici Kantona Sarajevo i web stranici Ministarstva, sa rokom od 20 dana za podnošenje zahtjeva.
- b) zahtjev sa dokazima iz člana 5. ove odluke podnosi se komisiji koju imenuje ministar komunalne privrede, infrastrukture, prostornog uređenja, gradnja i zaštite okoliša Kantona Sarajevo (u daljem tekstu: ministar),
- c) komisija, po zaključenju javnog poziva, otvara sve prijave i poziva podnosioca zahtjeva da dopuni zahtjev i dokaze uz zahtjev, ukoliko je isti nepotpun u roku od sedam dana i provjerava da li podnosilac zahtjeva ispunjava uslove iz člana 4. ove odluke,
- d) komisija odbacuje zahtjev podnosioca koji u ostavljenom roku iz tačke c) ovog člana ne dopuni dokumentaciju i koji ne ispunjava uslove iz člana 4.

- ove odluke i o tome obavještava podnosioca zahtjeva čiji je zahtjev odbačen,
- c) komisija utvrđuje nacrt liste kandidata za subvencioniranje rješavanja stambenog pitanja mladih i objavljuje je na web stranici Kantona Sarajevo i web stranici Ministarstva,
- f) na nacrt liste kandidata za subvencioniranje rješavanja stambenog pitanja mladih, podnosilac zahtjeva može u roku od sedam dana od dana objavljivanja nacrta liste kandidata za subvencioniranje rješavanja stambenog pitanja mladih izjaviti prigovor ministru.
- g) ministar razmatra prigovor, nakon čega pismeno obavještava podnosioca prigovora o donesenoj odluci po prigovoru,
- h) konačnu listu kandidata za subvencioniranje rješavanja stambenog pitanja mladih, na prijedlog komisije, utvrđuje ministar i objavljuje je na web stranici Kantona Sarajevo i web stranici Ministarstva.

Član 7.

(Postupak dodjele sredstava)

- (1) Na osnovu konačne liste kandidata za subvencioniranje rješavanja stambenog pitanja mladih, ministar na prijedlog komisije iz člana 6. tačka b) ove odluke, sačinjava prijedlog odluke sa imenom i prezimenom kandidata i iznosom novčanih sredstava kojima se subvencionira rješavanje stambenog pitanja kandidata i prijedlog odluke dostavlja Vladi Kantona Sarajevo na usvajanje.
- (2) Ministarstvo po odluci iz stava (1) ovog člana vrši isplatu sredstava kandidatima na ime subvencioniranja rješavanja stambenog pitanja.

Član 8.

(Ravnopravnost spolova)

Gramatička terminologija korištenja muškog ili ženskog spola podrazumijeva uključivanje oba spola.

Član 9.

(Prestanak važenja ranijeg propisa)

Danom stupanja na snagu ove odluke prestaje da važi Odluka o subvencioniranju rješavanja stambenog pitanja mladih ("Službene novine Kantona Sarajevo", broj 25/20).

Član 10.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-41355-1/21
12. novembra 2021. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 29. i 36. Zakona o izvršavanju Budžeta Kantona Sarajevo za 2021. godinu ("Službene novine Kantona Sarajevo", br. 5/21 i 44/21) Vlada Kantona Sarajevo, na 133. vanrednoj sjednici održanoj 12.11.2021. godine, donijela je

ODLUKU

O USVAJANJU PROGRAMA UTROŠKA SREDSTAVA
TEKUĆIH I KAPITALNIH TRANSFERA
MINISTARSTVA PRIVREDE KANTONA SARAJEVO
UTVRDENIH BUDŽETOM KANTONA SARAJEVO ZA
2021. GODINU

I

Ovom odlukom usvaja se Program utroška sredstava unutar agregiranih pozicija tekućih i kapitalnih transfera utvrđenih Budžetom Kantona Sarajevo Ministarstva privrede za 2021. godinu kako slijedi:

II

1 - RASPORED SREDSTAVA

1.1 Ekonomski kod 614300, funkcija 042, subanalitika IAN054 - "Tekući transfer KJP Veterinarska stanica, podsticaj poljoprivredi, zdravstveno stanje životinja, prihvatilište pasa lotalica "Prača", pretvaranje nepoljoprivrednog zemljišta u poljoprivredno".

Sredstva u iznosu od 7.689.215 KM raspoređuju se prema namjeni i korisnicima kako slijedi:

R.b	Naziv pozicije	Interni broj	Svrha	Korisnik/ Kategorija korisnika	Izvor 10 (budžetska sredstva)	Izvor 30 (namjenska sredstva)	Izvor 50 (transferi)	Izvor 60 (primici)	Ukupno
1.	Podrška KJP Veterinarska stanica d.o.o. Sarajevo	IAN009	Podrška redovnom poslovanju	KJP Veterinarska stanica d.o.o.	700.000				700.000
		IAN50	Podrška redovnom poslovanju - Azil		300.000				300.000
2.	Podrška u primarnoj poljoprivrednoj proizvodnji	IAN017	Podrška poljoprivrednoj proizvodnji u Kantonu Sarajevo	Fizička i pravna lica sa područja Kantona Sarajevo u skladu sa Zakonom o novčanim podsticajima u primarnoj poljoprivrednoj proizvodnji na području Kantona Sarajevo ("Službene novine Kantona Sarajevo", broj 1/12)	6.000.000			100.000	6.100.000
3	Unapređenje zdravstvenog stanja životinja	IAN018	Provođenje mjera zaštite zdravlja životinja u Kantonu Sarajevo	Fizička i pravna lica sa područja Kantona Sarajevo na osnovu Zakona o veterinarstvu FBiH ("Službene novine Federacije BiH", broj	150.000	346.566			496.566

